

17.10 CUNTRASTS SIN SRF 1

Far Svizzers – episoda 3



En tge mar sbucca l'En? Tge è la differenza tranter in referendum ed in'iniziativa? Tgenin è il pli grond lai en Svizra? A questas ed a sumegliantas dumondas ston candidatas e candidats per il pass svizzer responder durant l'audiziun. La seria «Far Svizzers» ha accumpagnà protagonistas e protagonists da tut las quatter regiuns linguisticas tras l'entira procedura da naturalisaziun. Ella mussa il cumbat per survegnir ils documents necessaris, l'emprender ordadora numbs da politichers fin tar lur grond examen. La tensiun avant e durant l'audiziun avant las autoritads communalas è per blers strusch da supportar. Episoda 3: Amherd, Berset, Parmelin – la famiglia Corona-Cardoso emprenda per l'audiziun. Durant l'examen na fan ils politichers nargins fastidis, mabain plitost la geografia. In mument difficil per Chiara.